



СЛУЖБЕНИ НОВИНИ

АВТОНОМНЕЙ ПОКРАЇНИ ВОЙВОДИНИ

„Службени новини АПВ“ виходза, по потреби, на шейсц языкох: сербским, мадярским, словацким, румунским, руским и горватским. - Рукописи ше не враца – Оглашки по тарифи	Нови Сад 13. август 2025. Число 43 Рок LXXVI	Рочна предплата 15.000 динари - Термин за рекламацији 15 днї. - Редакция и администрация: Нови Сад, Войводи Мишича 1 ISSN 0353-8419 COBISS.SR-ID 10640140 Email: sl.listapv@magyarszo.rs
--	---	--

ОБЩА ЧЛАСЦ

1010.

На основи члена 88. пасус 4. и 5. Закона о лесох («Службени глашнік Републики Сербіи», число 30/2010, 93/2012, 89/2015 и 95/2018 – др. закон) Правилнік о блізших условийох, як и о способе додзельованя и хаснованя средствох з Рочней програми хаснованя средствох за отримуюци розвой и унапреджене лесарства («Службени глашнік РС», число 23/25) у дальшим тексту: Правилнік РС), а у складзе зоз членми 16, 24. и 33. Покраїнскей скупштинскей одлуки о покраїнскей управи («Службени новини АПВ», число 37/2014, 54/2014 – др. одлука, 37/2016, 29/2017, 24/2019, 66/2020 и 38/2021), Покраїнскей скупштинскей одлуки о Рочней програми хаснованя средствох з Бюджетного фонду за леси АП Войводини за 2025. рок («Службени новини АП Войводини», число 57/2024 и 38/2025 – вименка) и члена 17. Правилніка о запровадзованю конкурсех яки розписуе Покраїнски секретариат за польопривреду, водопривреду и лесарство («Службени новини АП Войводини», число 24/2025), Покраїнски секретариат за польопривреду, водопривреду и лесарство (у дальшим тексту: Секретариат), приноши

ПРАВИЛНІК О ДОДЗЕЛЬОВАНОЮ СРЕДСТВОХ ЗОЗ РОЧНЕЙ ПРОГРАМИ ХАСНОВАНИЯ СРЕДСТВОХ З БЮДЖЕТНОГО ФОНДУ ЗА ЛЕСИ АП ВОЙВОДИНИ ЗА 2025. РОК

Общи одредби

Член 1.

Зоз тим правилніком ше предписуе поступок за реализацию активносцох яки предвидзени зоз Рочну програму хаснованя средствох з Бюджетного фонду за леси АП Войводини за 2025. рок («Службени новини АП Войводини», число 57/2024) (у дальшим тексту: Програма), а по Конкурсу за додзельоване средствох з Бюджетного фонду за леси АП Войводини за 2025. рок (у дальшим тексту: Конкурс).

Програму зоз пасуса 1. того члена прилапела Покраїнска скупштина АП Войводини, а Секретариат задлужени за реализацию Програми.

Предмет Конкурсу и висина наменсних средствох

Член 2.

Предмет Конкурсу то додзельоване средствох за роботи на полешованю – садзеню нових лесох, мелиораций деградованих лесох, вибудови и реконструкций лесових драгох, як за набавку опреми за унапреджене продукций лесового садного материялу и защиту лесох.

За реализацию активносцох предвидзени вкупно 273.657.629,11 динари.

Средства зоз пасуса 2. ше додзельоуе за реализацию роботох по тих точкох:

1. Полешоване – садзенє нових лесох у вкупней суми до 20.000.000,00 динари по тих максималних єдиничних ценох:

- за полешоване з твардима и племенитима лісцарами до 250.000,00 динари по гектаре;
- за полешоване з меккими лісцарами и ядлінарами до 220.000,00 динари по гектаре;
- за полешоване з багреном до 180.000,00 динари по гектаре.

Средства ше додзельоуе за полешоване необроснутой лесовой жеми, польопривредней жеми у складзе зоз Законом о польопривредней жеми и другой жеми на хторей дошлебоджене полешоване.

2. Мелиорация деградованих лесох у вкупней суми до 55.000.000,00 динари по максималней єдиничней цени до 150.000,00 динари по гектаре.

Средства ше додзельоуе за мелиорацию деградованих лесох на поверхносцох хтори облапени и плановани з основами газдованя з лесами або зоз санацийними планами за чкоди од елементарних непогодох на хтори согласносц дало Министерство польопривреди, лесарства и водопривреди.

3. Унапреджене отвореносци лесох з вибудову и реконструкцию лесових драгох у вкупней суми до 20.000.000,00 динари, по тих максималних єдиничних ценох:

- за вибудов лесових драгох (I и II фаза по Правилніку РС) до 4.000.000,00 динари по километру;

- за реконструкцию лесовых драгох (по Правилнику РС) до 2.500.000,00 динари по километру.

Средства ше додзелює за вибудов твардих лесових драгох (I и II фаза по Правилнику РС) и реконструкцию лесових драгох (по Правилнику РС), хтори у функції газдованя.

4. Унапредженє розсадницькей продукції у вкупней суми до 26.657.629,11 динари.

Средства ше додзелює за унапредженє розсадницькей продукції з финансваньом набавки опреми за продукцию лесового садного материялу, наприклад: набавку машинох, пошореньох и опреми за роботу, заліващих системох, уводженє новей технології и другой опреми хтору Комисия за запровадзованє Конкурса хтору формує покраїнски секретар (у дальшим тексту: Комисия) оцєні як прилапливу за розсадницьку продукцию.

5. Набавка опреми за защиту лесох од огня у вкупней суми до 52.000.000,00 динари.

Средства ше додзелює за финансване набавки опреми за защиту лесох од огня, у складзе з планами защиты леса од огня (набавка пошореньох и опреми за швидшу и ефикаснейшу интервенцию у случаю огня, за превенцию огня, опремане обектох хтори служа за защиту од огня).

6. Набавка машинох и опреми за санацию пошлїдкох од елементарних непогодох у суми до 100.000.000,00 динари.

Средства ше додзелює за финансване набавки машинох и опреми за санированє пошлїдкох од елементарних непогодох на поверхносцох хтори облапени з санацийним планом на хтори дата согласносц Министерства польопривреди, лесарства и водопривреди (набавка машинох и опреми за швидшу и ефикаснейшу интервенцию у лесох хтори потрафени з елементарними непогодами пре рихтанє терену за обнову).

Способ додзельованя средствох

Член 3.

Средства зоз члена 2. того правилнику ше будзе додзельовац приєй конкурса хтори ше обяви у дньових новинах «Дневник», на урядовим сайту Секретариату и у «Службених новинах АПВ».

Конкурс отворени по 29.9.2025. року.

Документацию хтору ше поднесе на Конкурс ше не враца.

Средства ше додзелює безповратно.

Додзелени средства по тим конкурсу ше виплачує на окреми наменково рахунки, а динамика виплацованя авансна 70% прилапливей суми по подписованю контракту, а часци цо остала по приманю роботох и конечним обрахунку на основі обягу вивершеня и єдиничней цени (за точки 1, 2. и 3.), односно по запровадженей набавки опреми (за точку 4. и 5.). Безповратни средства ше будзе виплацовац у складзе з приливом средствох до бюджету АПВ.

Право на участвованє на Конкурсу

Член 4.

Право участвовац на Конкурсу маю тоти хаснователє:

а) за средства зоз точки 1.

- за полешованє державней жеми – правни особи зоз члена 70. Закона о лесох зоз шедзиском у АП Войводини, хтори за предметну жеми маю важащи основи газдованя з лесами з якими плановане полешовац тоту жеми, або окреми власни виводзакци проекти полешованя лесовой жеми хтори не облапени з основами газдованя з лесами, а хтора додзелена

на газдованє з окремима одлуками Влади Републики Сербії у 2016. року и познейше, або проекти полешованя державней польопривредней жеми хтори виробел АП за газдованє з лесами або Институт за нїзкоровнінске лесарство и животни штредок;

- за полешованє жеми у власносци физичних особох – регистровани правни особи и поднімателе хтори маю обезпечени садни материял цо випродуковани у лесовим розсаднику хтори регистровани у складзе зоз законом з яким ше ушорює лесов репродуктивни материял и хтори маю контракт о випоручованю садницьох, окончованю полешованя и запровадзованю мирох допатраня зоз физичну особу – власником жеми з АП Войводини;
- за полешованє жеми у власносци правних особох – правни особи власники лесох, кед за предметну жеми маю важащи основи газдованя з лесами з хторима плановане полешовац тоту жеми, як и правни особи власники другой жеми на хторей дошлєбоджене полешовац и за хтору маю окреми власни виводзакци проекти полешованя хтори направела особа з лиценцу за окончованє фахових роботох у лесарстве у АП Войводини;

б) за средства зоз точки 2.

- правни особи зоз члена 70. Закона о лесох у АП Войводини и правни особи власники лесох у АП Войводини хтори за предметни лєси маю важащи основи газдованя з лесами у яких плановани потреби пестованя за zlepшанє стану (конверзия, реституция, субституция, реконструкция – односно садженє або шатву пре пременуку пестованей форми, санацию деградованих або очкодованих лесох, з яку облапене пририхтованє терену, садженє лесових садницьох або шатва лесового нашеня) або санацийни плани за чкоди од елементарних непогодох на хтори согласносц дало Министерство польопривреди, лесарства и водопривреди;

в) за средства зоз точки 3.

- правни особи зоз члена 70. Закона о лесох зоз шедзиском у АП Войводини и правни особи власники лесох у АП Войводини, кед вибудов або реконструкция предметних драгох планована у їх основах газдованя з лесами;

г) за средства зоз точки 4.

- регистровани правни особи и поднімателе хтори маю регистровани лесов розсадник у АП Войводини;

г) за средства зоз точки 5.

- правни особи зоз члена 70. Закона о лесох и правни особи власники лесох у АП Войводини;

д) за средства зоз точки 6.

- правни особи зоз члена 70. Закона о лесох и правни особи власники лесох у АП Войводини.

Условия за участвованє на Конкурсу

Член 5.

Подношители приявох можу конкуровац за средства зоз того конкурсу кед по тераз не доставали бюджетни средства за исту наменку на истей локації и кед не маю невимирени або нерегуловани обовязки по програмох и контрактох з предходних рокох.

За роботи зоз точкох 1. и 2. мож хасновац садници и нашенє лесових файтох хтори випродуковани у складзе з предписаниями зоз якими ше ушорює лесов репродуктивни материял. Минималне число садницьох по гектаре (кед воно не одреджене з планом пестованя у основи газдованя з лесами, проектом полешованя державней польопривредней жеми хтори виробел Институт за нїзкоровнінске лесарство и животни штредок и другима окре-

нима проектами) за тварди и племенитих лісцарох 1.500 фалати, за вербу 1.000 фалати, за тополю 275 фалати и за багрэн 2.500 фалати. Количество нашэня по гектаре муши буц одредзэне зот тима планскима докумэнтами.

Подношители пріявох могу конкуровац за работи зот точкох 1. и 2. хтори шэ обяви у сезони полэшованя 2025/2026. року, а за работи зот точки 3. хтори почати (або шэ плануэ почач) у 2025. року и хтори шэ контрактуэ у цалосци (I и II фаза по Правилніку РС).

Подношители пріяви хтори конкурую за работи з вецей точкох подноша окрему пріяву за каждую точку (у окремой коверти). За работи зот точкох 1. и 2. хтори шэ окончуэ на вецей локацийох шэ подноши едну пріяву гу хторей шэ приклада припадаюци формулари «Вывод з проэкуту» за каждую поєдинечну локацию (кед тото потребне), а за точку 3, кед же исти подношитель ма вецей локаций, подноши шэ окрему пріяву за каждую локацию гу хторей шэ приклада припадаюци формулар «Вывод з проэкуту драги». За точки 4. и 5. шэ подноши едну пріяву за вимагану опрему, при чиму не мож вимагац вецей фалати истей файти опреми (окрем кед шэ роби о часцох системи за наводньованэ, элементох огради, часцох єдинствэной системи за зашиту од огня, як и опреми чия єдинкова цена до 50.000,00 динари) за исту организационну єдинку або за исти розсаднік.

За точки 1, 2, 4, 5. и 6. Конкурсу єдно правна особа може поднэсц лем едну пріяву на тот конкурс, окрем за полэшованэ жеми у власніцтве физичних особох. Правна особа або подніматель хтори конкуруэ за полэшованэ жеми у власносци физичних особох подноши за каждую физичну особу окрему пріяву.

За точку 3. Конкурсу правна особа може поднэсц вецей пріяви, у зависносци од числа проэктох (за каждый проэкт шэ подноши окрему пріяву).

Подношители пріяви могу конкуровац за опрему зот точкох 4, 5. и 6. хтора набавэна у 2025. року або шэ ю набави по подписованю контракту.

За точку 4. (Унапредзэне розсадніцкей продукций) обовязна власна учасц у суми найменей 20% вредносци опреми у пріяви. Дата висина учасци подношителя пріяви за точку 4. шэ єдноши на шицку опрему яка наведзэна у пріяви.

За точку 6. шэ подноши едну пріяву до хторей шэ наведзи шицку вимагану опрему.

Формулари «Вывод зот проэкуту» и «Вывод зот проэкуту драги» муши выполніц и подписач правна особа хтора регістрована за работи пестованя лесох, єдносно за работи проэктованя у лесарствэ.

Потребна документация за участвованс на Конкурсу

Член 6.

Основна документация яка потребна за участвованэ на Конкурсу за шицки точки:

1. пріяву на конкурс – у друкованей и електронскей форми на формуларэ хтори обявени зот Конкурсом;
2. фотокопию картону депонованих подписох за наменкови рахунок на яки шэ уплати средства, або за други рахунок кед нет отворени наменкови рахунок;
3. фотокопию потвєрдзэня о регистраций правней особи при компетентним органу;
4. увєренэ компетентного органу о вимирених обовязкох на основи порций на маєток, порций на датату вредносци и порций на пробукот, заклєчно зот 2024. роком.

Окремна документация за каждую поєдинечну точку, хтору шэ доручуэ гу основней документаций:

За средства зот точки 1:

1.1. за полэшованэ державней жеми:

- 1) за жем хтора з основами газдованя з лесами планована за полэшованэ – формулар «Локаций по ОГЛ» (список поєрхносцох за полэшованэ з вимаганима сумами средствох);
- 2) за жем хтора не облапэна з основами газдованя з лесами – формулар «Локаций по КО» (список поєрхносцох за полэшованэ з вимаганима сумами средствох) и формулар «Вывод з проэкуту» (окремэ за каждую парцелу або групу сусєдних парцєлох з истима елементами проэкуту, з податками хтори пренєшени з выводзачких проэктох або проэктох полэшованя державней польопривредней жеми).

1.2. за полэшованэ жеми у власносци физичних особох:

- 1) контракт правней особи або поднімателя з физичну особу – власніком жеми о випоручованю садніцох, полэшованю и запровадзованю мирох пестованя, хтори заклєчени 2025. року;
- 2) копию важацей особеңей легитимаций (зот адресу биваня) або податками з одчитаней електронскей особеңей легитимаций особу зот яку подписани контракт;
- 3) потвєрдзэне компетентного органу о вимирених обовязкох на основи порций на маєток и порций на прибутот, заклєчно зот 2024. роком за особу з яку подписани контракт (оригинални, не старши як 30 днї), єдносно потвєрдзэне же на иншаки способ регуловани обовязки (репрограма длуства);
- 4) формулар «Локаций по КО» (список поєрхносцох за полэшованэ з вимаганима сумами средствох) и формулар «Вывод з проэкуту» (окремэ за каждую парцелу або групу сусєдних парцєлох з истима елементами проэкуту);
- 5) вывод з лістку нерухомосцох за предметну жем (оригинални, не старши як 30 днї, без терхи и ограничєня);
- 6) копию катаєтерского плану за предметни парцєли (може фотокопию);
- 7) фотокопию согласносци за прєменуку наменки жеми хтору видал компетентни орган (кед слово о обрабєцєй польопривредней жеми);
- 8) кед на предметних парцєлох єст совласносц, єдносно обсяг учасци власносци не 1/1, потребна оверена согласносц у писаней форми за пріяву на Конкурс и полэшованэ жеми и од шицких совласнікох на мєно єдного совласніка, як и другу наведзєну документацию (особну легитимацию и порцийне увєренэ) хторе шэ єдноши на совласнікох.

1.3. за полэшованэ жеми у власносци правних особох:

- 1) за жем хтора з основами газдованя з лесами планована за полэшованэ – формулар «Локаций по ОГЛ» (список поєрхносцох за полэшованэ зот вимаганима сумами средствох);
- 2) за жем хтора не облапэна з основами газдованя з лесами – формулар «Локаций по КО» (список поєрхносцох за полэшованэ зот вимаганима сумами средствох), формулар «Вывод з проэкуту» (окремэ за каждую парцелу або групу сусєдних парцєлох з истима елементами проэкуту, з податками хтори пренєшени з выводзачких проэктох).

За средства зот точки 2:

- 1) формулар «Локаций по ОГЛ» (список поєрхносцох за меліорацию зот вимаганима сумами средствох);
- 2) санацийни план за предметни поєрхносци на хтори согласносц дало Министерство польопривреди, лесарства и водопривреди (кед же поєрхносци не плановани у ОГЛ).

За средства зот точки 3:

- 3) формулар «Вывод з проэкуту драги»;
- 4) мапу часци газдовскей єдинки у розмири хтора оможлївюэ ясно видлївосц траси каждой поєдинечней драги (1:10.000);

- 5) копию одлуки органа управления о прилапйованю проекту тей драги;
- 6) у случайох кед драга з едней часци траси преходзи през жем других хасновательох або власніох, подношитель прияви на Конкурсе муши приложиц контракт або согласносц од вибудови и хаснованю драги з тим хасновательом або власніком жеми;
- 7) хаснователь ма обовязку у вязи з роботами обезпечиц шицку технічну документацию и шицки необходни дозволи и согласносци од компетентних органаох, у складзе з релевантними предписаниями з области вибудови драгох, навесц их у формуларе «Вывод з проекту драги» и доручиц на увид по евентуалним вимаганю Секретарияту.

За средства зоз точки 4:

- 1) обгрунтоване потреби набавки опреми и очекованих ефектох унапредзеня розсадницькей продукції з описом способох реализації (у шлебодней форми);
- 2) формулар «Список опреми» (з вимаганима сумами средствох);
- 3) рахунок, односно предрахунок за шицки ставки опреми хтора наведена у формулару «Список опреми»;
- 4) фотокопию ришени з регистру матичніох и лесових розсадніох за кажди розсадник за хтори ше пита опрему;
- 5) фотокопию прияви за окончоване контроли продукції лесового садного материялу за чечуци рок за кажди розсадник за хтори ше пита опрему.

За средства зоз точки 5:

- 1) обгрунтоване потреби набавки опреми и очекованих ефектох унапредзеня зашити лесох од огня з описом способох реализації (у шлебодней форми);
- 2) формулар «Список опреми ПОЗ» (з вимаганима сумами средствох);
- 3) рахунок, односно предрахунок за шицки ставки опреми хтора наведена у формулару «Список опреми ПОЗ».

За средства зоз точки 6:

- 1) обгрунтоване за потребу набавки машинох и опреми за санацию пошлїдкох од елементарних непогодох и очекованих ефектох з описом способох реализації (у шлебодней форми);
- 2) формулар «Список машинох и опреми за санацию» (з вимаганима сумами средствох);
- 3) рахунок, односно предрахунок за шицки ставки опреми хтора наведена у формулару «Список машинох и опреми за санацию».

Подношитель прияви не ма обовязку доручиц документацию з одділу **Окрема документация – За средства зоз точки 1.** подточки 1.2. алинея 3. и 5, сходно члену 9. пасус 3. Закона о общим управним поступку («Службени глашник Републики Сербии», число 18/2016, 95/2018 – автентичне толмачене и 2/2023 – одлука УС).

Гу прияви за точку 1. (попри за полешоване жеми у власносци физичних особох), 2, и 3, потребне мац програми и проекти у складзе з Правилніком РС, хтори мож додатно питац на увид и хтори ше по приношеню одлуки о додзельованю средствох враца подношительови прияви. Одвитуючи формулари гу прияви облапяю вияву о пошедованю тих програмох и проєктох.

Гу прияви за точку 4. з яку ше вимага бице студні потребне приложиц важацу будовательну дозволу и Ришене Покраїнского

секретарияту за енергетику, будовательство и транспорт з яким ше одобруе виводзене применених геологийних вигледованьох под'земних водох, кед тота документация обовязна по релевантних предписаньох.

Гу прияви за точки 4. и 5. з яку ше вимага вибудов обєктох потребне приложиц важацу будовательну дозволу, кед тота документация обовязна по релевантних предписаньох.

Секретарият затримуе право од подношителя прияви питац додатну документацию, односно окончиц увид до планскей документациі и стан на терену пред додзельованьом средствох.

Способ доручованя

Член 7.

Прияву ше пополні у Excel-формату по упутстве хтори ведно зоз формуларами обявени зоз тим конкурсом на сайту Секретарияту.

Документацию ше вше доручуе у електронскей верзиі на **УСБ лєм у ПДФ, окрем приявного формулару у Excel-формату** (кажди приложени документ у ПДФ муши мац точну назву напр. особна легитимация, контракт и подобне).

Прияви мож придац по пошти або на Писарніци покраїнских органаох управи у будинку Покраїнскей влади, а прияву хтора електронски подписана мож доручиц на e-mail адресу яка **наведена у конкурсу**.

Конкурсну документацию ше не враца, окрем документациі за хтору з Конкурсом предвидзене же би ше ю принесло на увид.

Под час тирваня поступку Комисия по потреби информуе странки на електронски способ на адресу електронскей пошти хтора приявена у формулару прияви.

Кед Комисия не ма доказ о приманю електронскей е-пошти за документи у писаней форми за хтори обовязне особне доручоване, випоручоване ше окончи з особним доручованьом преїг поштанского оператора.

Поступане з исподполними приявами

Член 8.

За подношительох неподполних приявах, Секретарият по службеной длужносци од компетентних органаох обезпечуе податки о фактох о яких ше водзи службену евиденцию у складзе зоз законом з яким ше ушорює общи управни поступок, а за иншу документацию хтора хоби ше повола подношительох приявах дополніц ю, у чаше осем (8) дньох по доставаню поволанки.

Кед подношитель неподполних приявах у чаше зоз предходного пасусу не допoлня документацию, прияву ше одруци як неподполну.

Прияви хтори допoлнени ше будзе розпатрац аж по доручованю документациі яка вимагана зоз поволанку зоз пасуса 1. того члена.

Прияви хтори поднєшени за унапредзене розсадницькей продукції ше одбие кед же власна учасц хаснователя средствох менша як 20%.

Критериуми за вреднованс

Член 9.

Прияви з прилапљивима локацијама и опрему ше будзе вредновац по тих критериумомах:

За точку 1. Конкурсу (Полешованс – садзене нових лесох) на таки способ:

Критеріум		Спосіб бодованія	Боди
Висина власней фінансійней учасці у вредносці проєкту		За кожди % (заокруглене на ціле число) по єден поєн по найвєцєй 20 поєни	0-20
Континуїтет у потерашнім хаснованю средствох з Бюджетного фонду за лєси за полєшованє (бодованє розлічнє за розлічи форми власносці)	державна и жєм правних осіб 2019-2024	перші раз достава средства	20
		други раз достава средства	15
		трєци раз достава средства	10
		штварти раз (и вєцєй) достава средства	5
	жєм фізичних осіб 2011-2024.	Число потерашніх контрактох 11 и вєцєй	20
		Число потерашніх контрактох од 6 по 10	15
		Число потерашніх контрактох од 2 по 5	10
		Число потерашніх контрактох од 0 по 1	5
Доприношенє гу звєкшаню полєшеносці (бодованє розлічнє за ріжни файти власносці)	полєшованє державней и жєми правних осіб	обсяг полєшованя вєкші як 50 га	40
		обсяг полєшованя од 30,01 га по 50 га	30
		обсяг полєшованя од 10,01 га по 30 га	20
		обсяг полєшованя 10 га и мєнші	10
	полєшованє жєми фізичних осіб	обсяг полєшованя вєкші як 5 га	40
		обсяг полєшованя од 3,01 га по 5 га	30
		обсяг полєшованя од 1,01 га по 3 га	20
		обсяг полєшованя 1 га и мєнші	10
Ступєнь значносці проєкту, доцільносц и очєковани ефекти проєкту (прєцєньованє Комісії)		Високи Штрєдні Нїзки	20 10 5
Вкупнє можлівє число бодох			100

За точку 2. Конкурсу (Мелиорация деградованих лесох), на таки способ:

Критеріум	Спосіб бодовання	Боди
Висина власней фінансійней учасці у вартості проєкту	За кожні % (заокруглене на ціле число) по єден поєн по найвищій 20 поєни	0-20
Континуїтет у потаєршім хаснованю сєредствох з Бюджетного фонду за лєси за полєшованє и мєліорачію дєградованих лєсох 2019-2024.	пєрші раз дєстава сєредства	20
	други раз дєстава сєредства	15
	трєци раз дєстава сєредства	10
	штварті раз (и вищєй) дєстава сєредства	5
Доприношєнє гу унапєдзєню стану лєсох	обсяг мєліорачії вищєй як 50 га	40
	обсяг мєліорачії од 30,01 га по 50 га	30
	обсяг мєліорачії од 10,01 га по 30 га	20
	обсяг мєліорачії 10 га и мєнші	10
Ступєнь значносці проєкту, доцільносц и очєковани ефєкти проєкту (пєцєньованє Комісії)	Високи	20
	Штрєдні	10
	Нїзки	5
Вкупнє можлівє число бодох		100

За точку 3. Конкурса (Унапредзованс отвореносци лесох), на таки способ:

Критериум		Способ бодованя	Боди
Висина власней финансийней учасци у вредносци проєкту		За кажди % (заокруглене на цале число) по еден поен по найвецей 20 поени	0-20
Континуитет у потерашнім хаснованю средствов з Бюджетного фонду за леси за вибудов або реконструкцию драгох 2020-2024.		перши раз достава средства	20
		други раз достава средства	15
		треци раз достава средства	10
		штварти раз (и вецей) достава средства	5
Доприношенс гу унапредзеню отвореносци лесох		длужина драги векша як 3 km	40
		длужина драги од 2,001 по 3 km	30
		длужина драги од 1,001 по 2 km	20
		длужина драги 1 km и менша	10

Ступень значности проекту, доцільносц и очековани ефекти проекту (преценьоване Комисіі)	Високи Штредні Нізкі	20 10 5
Вкупне можліве число бодох		100

За точку 4. Конкурсу (Унапреджене розсадніцкей продукції), на такі способ:

Критериум	Способ бодованя	Боди
Висина власней финансовой учасці у набавки опреми	За кажди % над 20% (закруглене на цале число) по єден до найвцей 20 поени	0-20
Континуитет у потерашнім хаснованю средствох з Бюджетного фонду за леси за набавку опреми за розсадніцку продукцію 2019-2024.	перши раз достава средства	20
	други раз достава средства	15
	трети раз достава средства	10
	штверти раз (и вцей) достава средства	5
Вкупна поверхносц шицких регистрованих лесових розсаднікох подношителя прияви	1 ha и меней	40
	од 1,01 ha до 5 ha	30
	од 5,01 ha до 10 ha	20
	вцей як 10 ha	10
Ступень значности проекту, доцільносц и очековани ефекти проекту (преценьоване Комисіі)	Високи Штредні Нізкі	20 10 5
Вкупне можліве число бодох		100

За точку 5. Конкурсу (Набавка опреми за защиту лесох од огня), на такі способ:

Критериум	Способ бодованя	Боди
Висина власней финансовой учасці у набавки опреми	За кажди % (закруглене на цале число) по єден поен по найвцей 20 поени	0-20
Вкупна поверхносц шицких лесох и лесових жемох подношителя прияви (власніка або хаснователя)	10.000,01 ha и вцей	50
	од 5.000,01 ha до 10.000 ha	40
	од 2.000,01 ha до 5.000 ha	30
	од 500,01 ha до 2.000 ha	20
	500 ha и меней	10
Ступень значности, доцільносц и очековани ефекти набавки опреми (преценьоване Комисіі)	Високи Штредні Нізкі	30 20 10
Вкупне можліве число бодох		100

За точку 6. Конкурсу (Набавка машинох и опреми за санироване пошлїдкох од элементарних не погодох) на такі способ:

Критериум	Способ бодованя	Боди
Висина власней финансовой учасці у вредности проекту	За кажди % (закруглене на цале число) по єден поен по найвцей 20 поени	0-20
Доприношене гу унапредженю стану лесох (поверхносц яка предвиджена зоз санацийним планом)	вцей як 1.000 ha	50
	500,01 ha до 1 000 ha	40
	100,01 ha до 500 ha	30
	50,01 ha до 100 ha	20
	50 ha и меней	10
Ступень значности проекту, доцільносц и очековани ефекти проекту (преценьоване Комисіі)	Високи Штредні Нізкі	30 20 10
Вкупне можліве число бодох		100

Одлучованс о додзельованю средствох**Член 10.**

Комисия за запровадзоване конкурсу розпатра поднешени прияви и прави записник з бодовну лістину.

Комисия утврдзує лістину подношительох приявох хтори ви-
полнюю условия на основе дорученей документациі, у складзе з
критериями яки дефиновани у Конкурсу и Правиліку и фор-
мує лістину бодованя на основе хторей ше додзельє безповратни
средства, по утрошок средствох яки опредзелени з Конкурсом.

До записніку ше уноши:

- вкупне число поднешених приявох з приказом вимаганих
средствох,
- прилапліви прияви з приказом бодох и сумох,
- неприлапліви прияви класовани по причинох неприла-
плівосци.

Источашне зоз записніком, Комисия приноши и Предкладане
одлуки о додзельованю средствох, хтору приноши покраїнски
секретар.

Зоз предкладаньом Одлуки о додзельованю средствох ше ут-
врдзує поєдинечни суми средствох по подношительови прияви
хторому одобрени средства и способ бодованя, а подношительом
приявох хторим средства не одобрени ше наводзи причини одби-
ваня/одруцованя.

За прияви хтори виполнюю условия, а хтори маю вещей ставки,
односно вещей локаций полешованя або рижнородну опрему, Ко-
мисия до записніка наводзи ставки з прияви хтори прилапліви зоз
фахового становиска.

У складзе з наведзенима критериями, формує ше ранг-лі-
стину на основе числа бодох, а у случаю истого числа бодох пер-
шенство на ранг-лістини ма подношитель у хторого векша припа-
трана вредносц у трецим критерияме (поверхносц, длужина) за
точки 1, 2. и 3, односно у другим критерияме (поверхносц) за точ-
ки 5. и 6, або при хторому менша припатрана вредносц у трецим
критерияме (поверхносц розсадніка) за точку 4. Кед и у тим слу-
чаю подношительє приявох маю исти боди, першенство ше дава по
векшей вредносци учасци за перши, а потим по меншим контину-
итету хаснованя средствох за други критериям зоз таблічки (за
точки 1, 2, 3. и 4.), односно по векшим ступню значносци проекту
за (критериям 3 за точки 5. и 6.).

Секретарият затримує право од подношителя прияви питац
додатну документацию, як и од компетентней лесарско-ловней
инспекциі вимагац окончиц контролу терашнього стану на ло-
кацийох за хтори ше вимага средства як и контролу реализаций
предмету контракту, окреме у случаю рахункох и предрахункох
хтори видали добавяче опреми хтори не у системи ПДВ.

Одлука**Член 11.**

Одлуку о додзельованю средствох приноши покраїнски секре-
тар на основе предкладаня Комисії.

Одлуку ше обявює на урядовим интернет-боку Секретарияту:
www.psp.vojvodina.gov.rs.

Поєдинечни ршєня**Член 12.**

На основе Одлуки о додзельованю средствох, хтору принесол
покраїнски секретар, Комисия за запровадзоване конкурсу со-
ставя, а покраїнски секретар приноши Ршєне з обгрунтованьом
и поуку о правним средстве за подношительох приявох хторим
прияви одбити або одручени.

Право жалби**Член 13.**

Незадовольни подношитель прияви ма право на жалбу, у
складзе зоз законом.

Жалбу ше подноши Покраїнскей влади, преїг Покраїнского
секретарияту, у чаше 15 дньох по доручованю поєдинечного ри-
шєня.

О жалби ше одлучує у поступку яки предписани зоз Законом о
общим управним поступку.

Вименка одлуки**Член 14.**

Комисия предложі вименку и дополненє Одлуки о розподзе-
льованю средствох на основе прилапених жалбох або кед под-
ношительє приявох одступа од реализаций инвестиций, розтаргню
або ше анексує заключени контракти, а кед прецені же иснує
можлівосц реализаций контракту под час бюджетного року и ут-
врдзи подношительох прияви хторим ше одобрує нерозпоредзе-
ни средства хтори остали по рядошлїду бодовней лістини.

Покраїнски секретар приноши Одлуку о вименки Одлуки зоз
пасуса 1. того члена и ю ше обяви на урядовим интернет-боку
Секретарияту.

Контракт о додзельованю безповратних средствох**Член 15.**

По приношеню Одлуки о додзельованю безповратних сред-
ствох, покраїнски секретар у мєно Секретарияту заключує кон-
тракт о додзельованю средствох зоз хасновательом, з яким ше
регулує права и обовязки контрактных бокох.

Зоз контрактом ше ушорює медзисобни права, обовязки и
одвичательносци, а окреме: предмет контракту, термин у яким
ше активносц хтора одобрена на конкурсу реализує, суму сред-
ствох, преношенє средствох, инструменти обезпечєня за случай
ненаменкового трошеня средствох, провадженє правданя сред-
ствох, врацанє непотрошеной часци средствох або ненаменкового
трошеня средствох.

Хаснователь средствох ма обовязку при подписованю контра-
ту о хаснованю средствох зоз Секретариятом доручиц векслу и
векслову вияву, а за правни особи регистровану векслу з векслову
вияву, як средство обезпечєня же ше опрему не одцудзи пейц (5)
роки, окрема за потрошни средства.

Хаснователь длужен при набавки опреми поступац у складзе
зоз Законом о явних набавках.

Оправдованє додзелених средствох не мож окончувац преїг
лизингу, асигнаций, компензаций, цєсий або на други способ хтори
представя регулованє длуствох.

У случаю набавки опреми зоз точкох 4, 5. и 6. подношитель
прияви и добавяч опреми не могу буц повязани особи по члену
62. Закона о привредних друштвох («Службени глашник РС», чис-
ло 36/2011 и 99/2011 и 83/2014, 5/2015, 44/2018, 95/2018 и 91/2019).

У случаю же ше средства потроши ненаменково або ше их не
реализує у предвидзеним чаше, хаснователь длужен врациц сред-
ства зоз законску зацагауюцу камату од дня преношеня средствох,
под гроженьом активования дорученого средства обезпечєня.

Виплацованє средствох**Член 16.**

Средства хтори додзелени по одлуках ше виплацує на окремени
наменково рахунки, а динамика виплацованя авансна 70% при-
лаплівей суми по подписованю контракту, а часци цо остала по

оконченим приему работох и конечним обрахунку на основе обсягу вивершеня и єдиничней цени у складзе з контрактом, як и по доручованю документаций яка наведзена у часци контракту хтора ше одноши на правданє средствох.

Хаснователь длужен при запровадзованю контрактowych обовязкох поступац у складзе зоз Законом о явних набавкох.

Оправдованє доделених средствох не мож окончовац преїг лизингу, асигнації, компенсації, цесії або на други способ хтори представля регулованє длуствох.

У случаю набавки опреми зоз точкох 4, 5. и 6. подношитель прияви и добавяч опреми не можу буц повязани особи по члену 62. Закона о привредних дружтвох («Службени глашнік РС», число 36/2011 и 99/2011 и 83/2014, 5/2015, 44/2018, 95/2018, 91/2019, 109/2021 и 19/2025).

Обовязки хасновательо̑х средствох

Член 17.

Обовязки хасновательо̑х средствох ше регулує зоз контрактом у складзе зоз Правилніком о запровадзованю конкурсу хтори розписує Секретариат за польопривреду, водопривреду и лесарство.

Хаснователь безповратних средствох по конкурсу длужен:

- рухому ствар, односно нерухомосц хтора предмет инвестиції за хтору витворел стимуляції, хасновац у складзе з предвидзenu наменку;
- рухому ствар, односно нерухомосц хтора предмет инвестиції за хтору витворел стимуляції не одцудзиц ані дац другей особи на хаснованє найменей пейц роки по виплацованю стимуляції;
- шицку документацию хтора ше одноши на инвестицию чувац найменей пейц роки по виплацованю стимуляції.

Провадзєнє реализації контракту

Член 18.

Даватель средствох окончує контролу реализації контрактowych обовязкох преїг Сектору за лесарство и Одделєня лесарско-ловней инспекції Сектору за инспекційни роботи у терминох яки одредзени з контрактом.

Контролу применюваня закономх у обласци материялно-финансийного ділованя, наменкового и законїтого хаснованя дозначених средствох и подніманє мирох, окончи Буджетна инспекция у составе Министерства финансийох.

Хаснователь средствох длужен на вимаганє Секретариату оможливиц увид до работох и доручиц конечни финансийни звит достатих и потрошених средствох, як и наративни звит о оконченой работи.

У случаю же ше средства потроши ненаменково або ше их не реализує у предвидзеним чаше, хаснователь длужен врациц средства зоз законску зацагууюцу камату од дня преношеня средствох, под гроженьом активованя дорученого средства обезпечєня.

Закончуюца одредба

Член 19.

Правилнік ступа на моц по обявйованю у «Службених новинох АП Войводини».

ПОКРАЇНСКИ СЕКРЕТАРИЯТ ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО

ЧИСЛО: 002387412 2025 09419 007 000 000 001 04 007

ДАТУМ: 12.8.2025. року

ПОКРАЇНСКИ СЕКРЕТАР
ЗА ПОЛЬОПРИВРЕДУ, ВОДОПРИВРЕДУ И ЛЕСАРСТВО,
Владимир Галич, с.р.

Надпомнуче:

У тих «Службених новинох АПВ» ше не обявює Окремну и Огласну часц, у складзе зоз членом 5. пасус 2. Покраїнскей скупштинскей одлуки о обявйованю предписаньох и других актох («Службени новини АПВ», число 54/14, 29/17 и 12/18).

З М И С Т

Редни број	Предмет	Страна
------------	---------	--------

ОБЩА ЧАСЦ

ПОКРАЊНСКИ СЕКРЕТАРИЈАТ ЗА
ПОЉОПРИВРЕДУ, ВОДОПРИВРЕДУ И ЛЕСАРСТВО

1010. Правилник о додзельовану средствох зоз Рочней програми хаснованя средствох з Бюджетного фонду за леси АП Войводини за 2025. рок. 1925

ОКРЕМНА ЧАСЦ

ПОКРАЊНСКА ВЛАДА

1011. Ришєне о давану согласности на Одлуку школског одбору Техничней школы, зоз шедзиском у Ади, число: 56-187/2024-10/о3, од 17. априла 2025. року, о прєменки назви установи до Технична школа Ада;
1012. Ришєне о прєставану длужности окончователя длужности директора Заводу за явне здравє Суботица;
1013. Ришєне о мєновану окончователя длужности директора Заводу за явне здравє Суботица;
1014. Ришєне о прєставану длужности прєсидателя и членох Управного одбору Заводу за явне здравє Суботица;
1015. Ришєне о мєновану прєсидателя и членох Управного одбору Заводу за явне здравє Суботица;
1016. Ришєне о прєставану длужности прєсидателя и членох Надпатраючого одбору Заводу за явне здравє Суботица;
1017. Ришєне о мєновану прєсидателя и членох Надпатраючого одбору Заводу за явне здравє Суботица;
1018. Ришєне о прєставану длужности прєсидателя и членох Управного одбору Общого шпиталу «Др Радивой Симонович» Зомбор, Зомбор;
1019. Ришєне о мєновану прєсидателя и членох Управного одбору Общого шпиталу «Др Радивой Симонович» Зомбор, Зомбор;
1020. Ришєне о прєставану длужности прєсидателя и членох Надпатраючого одбору Общого шпиталу «Др Радивой Симонович» Зомбор, Зомбор;
1021. Ришєне о мєновану прєсидателя и членох Надпатраючого одбору Общого шпиталу «Др Радивой Симонович» Зомбор, Зомбор;
1022. Ришєне о прєставану длужности окончователя длужности директора Специального шпиталу за неурологични хороти и посттравматични стани «Др Боривоє Гнятич» Стари Сланкамен;
1023. Ришєне о мєновану окончователя длужности директора Специального шпиталу за неурологични хороти и посттравматични стани «Др Боривоє Гнятич» Стари Сланкамен;

Редни број	Предмет	Страна
------------	---------	--------

1024. Ришєне о розришєну прєсидателя и членох Надпатраючого одбору Дому за одроснутих и старших «Святи Василиє Острогски Чудотворец» у Новим Бєчєу;
1025. Ришєне о мєновану прєсидателя и членох Надпатраючого одбору Дому за одроснутих и старших «Святи Василиє Острогски Чудотворец» у Новим Бєчєу;
1026. Ришєне о розришєну прєсидателя и членох Управного одбору Центру за фамелийнє змєсєнє и усвоєнє Суботица;
1027. Ришєне о мєновану прєсидателя и членох Управного одбору Центру за фамелийнє змєсєнє и усвоєнє Суботица;
1028. Ришєне о розришєну прєсидателя и членох Надпатраючого одбору Центру за фамелийнє змєсєнє и усвоєнє Суботица;
1029. Ришєне о мєновану прєсидателя и членох Надпатраючого одбору Центру за фамелийнє змєсєнє и усвоєнє Суботица;
1030. Ришєне о прєставану длужности директора Геронтологичного центру «Бєчєй» у Бєчєу;
1031. Ришєне о мєновану директора Геронтологичного центру «Бєчєй» у Бєчєу;
1032. Ришєне о хасновану средствох стаємней бюджетней резерви Управи за капитални укладаня Автономней покраїни Войводини;
1033. Ришєне о хасновану средствох чєчуєй бюджетней резерви Покраїнскому секретариату за образованє, прєдписаня, управу и национални мєншини – национални заєднїци;
1034. Ришєне о хасновану средствох чєчуєй бюджетней резерви Покраїнскому секретариату за социалну политику, демографию и равноправност полех;
1035. Ришєне о хасновану средствох чєчуєй бюджетней резерви Покраїнскому секретариату за социалну политику, демографию и равноправност полех;
1036. Ришєне о хасновану средствох чєчуєй бюджетней резерви Покраїнскому секретариату за социалну политику, демографию и равноправност полех.

ОГЛАСНА ЧАСЦ

ПОКРАЊНСКИ СЕКРЕТАРИЈАТ ЗА
ПОЉОПРИВРЕДУ, ВОДОПРИВРЕДУ И ЛЕСАРСТВО

1037. Конкурс за додзельованє средствох зоз Рочней програми хаснованя средствох з Бюджетного фонду за леси АП Войводини за 2025. рок.

ОГЛАШОВАНЄ СТРАЦЕНИХ ДОКУМЕНТОХ ЗА НЄВАЖАЦИ: 300 динари

Уплацованє на рахунок ч. 340-15329-18/поволанка на ч. 13/Д.о.о. Мадяр Со Кфт. Нови Сад, Войводи Мишича ч. 1
Текст оглашки, з потвєрдзєньом о уплацовану (прикладник або фотокопию уплатнїци) посилац на адресу:
„Службєни новини АПВ” Д.о.о. Мадяр Со Кфт, Войводи Мишича ч. 1, Нови Сад

Видаватель: Покраїнски секретариат за образованє, прєдписаня, управу и национални мєншини – национални заєднїци

Одвичательни редактор: Дијана Катона Тел. 021- 487 44 27.

Друкує: Д.о.о. Мадяр Со Кфт. Друкарня ФОРУМ, Войводи Мишича ч. 1, Нови Сад, Телефони; Редакция 064 805 5142,
Служба прєдплати: 021 557 304, Оддзєленє за оглашки: 021 456 832, е-маил: sl.listapv@magyarszo.rs